

علوم اقتصادیه و اجتماعیه

مجموعه گار

هر آيت برنجی کونی نصر اولنور

مؤسسلری :

احمد شعیب ، رضا نوقیو ، محمد هاربه

مندرجات :

عضویتلر و جمعیتلر : ساطع . — مجادله حیاتیه و تکامل
 جمیات : آصف فطی . — ویانه مؤعری : احمد شعیب . —
 موت بودجه : احمد مختار . — تریه عقلیه : دوقنقورادهم . —
 فرانسه اخلال کبیری : احمد شعیب . — دیون عمومیه عثمانیه :
 محمد جاوید . — اشربات و وقایع اقتصادیه : محمد جاوید . —
 ۱۸۶۳ و ۱۸۶۴ سنلری استقراضنک مقاوله نامه سی .

مدیر و صاحب امتیازی :

محمد هاربه

امور اداره و تحریریه : نور عثمانیه جوارنده ملنن اداره خانه سی

نسخه سی : ۱۰ غروش

استانبول

باب طالی جاده سنده هلال مطبعه سی ، نومبرو ۶۶

ویاژ مؤثری

۱۸۱۴ — ۱۸۱۵

دول متفقہ نیک بولیتھ سیسی. — ۳۰ مایس، ۱۸۱۴ ده پارس معاہدہ سنی
تنظیم ایدن ۱۸۱۳ دول متفقہ سی ۱۷۹۲ تاریخندبری بوتون ہیئات
متحدہ نیک تعقیب ایستدکاری مقصد و منفعتی نہایت تأمین ایستدیلر . فرانسی
حال سابقہ ارجاع ایدہ رک وصایت و قارانتہ آلتہ آلق؛ بلجیقا و رن
حوالیسنہ منع تجاوزی ایچین ده موانع احداث ایللمک؛ انکترہ ،
آوستریا ، روسیہ ، پروسیا ، اسپانیا ، اسوچ ، پورتیکز و فرانسیہ
حکومتلرینک امضالہ قلمری پارس معاہدہ سی ایستہ بوتصورت سیاسیہ نیک
موقع تطبیقہ وضعی ایدی . ۳۲ نجی مادہ سندہ : «ایکی آئی ظرفندہ
مجارہ یہ صور مختلفہ ایلہ اشترک ایدن دوللر پارس معاہدہ سنک مواد
اساسیہ سنی بر مؤتمر عمومیہ ایضاح و اکیال ایچین مرخصلرینی ویانہ یہ
اعزام ایدہ جککری : ...» مجرزدی . قرانسیہ نیک مؤتمردہ شاهد صفتیلہ
بولونہ رق یالکز ضبطامہ لری امضالقی ایچین قبول ایدلسنی ده تحت قرارہ
آلمشلردی . بو، پارس معاہدہ سنہ علاوہ ایدیلن موادخفیہ ده مندرجدی .
شومونک درت متفق اولان آوستریا ، انکترہ ، روسیا ، روسیا آوروپاک
حاکم حقوق و مصالحی اولوب مسالمت عمومیہ نیک استناد ایدہ چکی
اساساتی ییدلردہ تعین ایدہ جککردی . بو مذاکرانہ باشقہ هیچ کیسہ یی
صوقق ایستہ میورلردی . بالخاصہ فرانسیہ یی هیچ بروجیلہ اشترک ایستدیر .

مەمك ايجون اولدن مواد آتیه یی قبوله اونى مجبور ایتشلردی : شمال
 حدودنده بلجیقا وهولاندان مرکب بر حکومت تشکیل ؛ لومباردیا
 و ونڈیک آوستریایه ؛ رهن ساحل یساری اوستنده کی ممالک هولاندا ،
 پروسیا و سائر آلمان حکوماتی آره سنده تقسیم ؛ آلمانیا دولنلرینک
 استقلاللی ایله بر هیئات مجتعه حاله افرای . ایشته بونوع تدابیر احتیاطیه
 ایله فرانسه یی هر جهتدن باغلايه جقلمی امید ایله آرالرنده حکمفرما
 اولان محاسنات سیاسیه یی صافله یه رق تشتت افکاردن استفاده ایتمه مسنه
 چالیشورلردی . حقیقت حاله ایسه منافع متضاده دن دولایي دول متفقہ
 بیننده کی احتراصات سیاسیه یک شدتلیدی فرانسه یی قبوله اخبارایده جکلری
 شرائطن ماعدا هیچ بر نقطه اوزرنده ائتلاف ایدمه میورلردی . ایشته
 بوندن دولایي ایدی که دول اربعه مرخصلری ، مترنخ ، قاستلریخ ،
 هاردنبرخ ، نسلرود خقی بر پروتوقول تنظیم ایدمک بونده فرانسه نك
 ترك ایدمک چکی اراضی ایله ناپولونه صداقتندن ناشی خلع ایله برلینده
 حبس ایدیان ساقسونیا حکمدارینک مملکتی و وارشووا غراندوقه لغنه
 متعلق هر درلو مذاکرات و مباحثاتی و بابه مؤخرینه قدر تأخیر ایتشلردی .
 ناقابل استتار بر حرص ایله اوروپانك زمام مقدراتی یدتحکمنه آلمق
 ایسته ین الکساندر مؤتمرك زمان اجتماعنی اولایله صکره تشرین اوله
 تعلیق ایتدی . بوقاصله دن بالاستفاده انکلتزه قرالی زیارت ایتمک ، پروسیا
 قرالی ایله کوروشمک خلاصه برکله ایله بوتون مسائل مغلقه یی آرزوسنه
 موافق بر صورتده حل ایتدیرمک ایسته یوردی . اولجه دول متفقہ
 بیاننامه لرنده مرور زمان ایله ساقط اولمیان حقوقدن ، حکومت مشروعته نك
 تأسیسندن ، حقوق عمومیه نك محافظه سی ایله ملترك حق استقلالندن
 بحث ایتشلردی . دول متفقہ مضمرات حساباتی بونوع افکار عالیه ایله

ستره چالیشیوردی . حالبوکه نظر لرنده آل شایان حرمت حق ؛ حق فحیدی !
 فرانسه حکومتی متفکر اسرارینه واقف دکدی . یالکز علاقه دارانک
 تودیعات محرمانه سی ایله ، آوستریا و پروسیا طرفدن تحت تهدیدده اولدقلری
 حس ایدن ایتالیا و آلمانیا کوجوک حکومتلرینک تأثر اتندن برانز اندیشه
 ایتمکه باشلامشدی . دیگر طرفدن مؤتمرک یوم اجتماعنک تأخیری ده دول
 متفقنک آرالرنده تنظیم ایده جکلری مواد حقنده متحدالافکار اولمادقلرینه
 دلالت ایدیوردی . واون سکنجی لوتی نک الک بویوک فکری ده بوعدم
 ایستلندن استفاده ایدرک فرانسه نک آوروپاده کی موقعی یو کسلیمکدی .
 بونک ایچین ناظری تالیرانه برلکده مؤتمرده تعقیب ایده جکلری خط
 حرکتده دائر غایت دقیق و عمیق و یک دور اندیشانه اولان پلانی ترتیب
 ایتدیلر : هرشیدن اول فرانسه بی قوبدقلری حال انفراددن قور تارمق ایجاب
 ایدیوردی . دول اربعه بی برلشدیرن شی فرانسه قوت و عظمتنه قارشى
 پرورده ایتدکلری غیظ و کین ایدی . اونلری آنجق بو حس برلشدیرمشدی .
 بناءً علیه فرانسه نک اتحادی بوزمق ایچین منفرد واسطه سی واردی :
 دوللری مساعی صلح جویانه سی حقنده هر وجه ایله تأمین ایتمک .
 لوتی ایله تالیران فرانسه نک دوش مسئولیتنه دول متفقنک یوکلندیکی
 تکلفات ووظائفدن منافع ووسائط اجراییه لرینی اقتباس ایتدیلر : دول
 متفقه اوروپا حقوق عمومیه سی نامنه فرانسه ایله محاربه ایدرک اونى
 بارس معاهده سینی امضایه مجبور ایتشلردی . ایشه فرانسه ده عینی
 حقوق عمومیه نامنه کندیسنه تحمیل ایدیلن قواعدک تطبیقنی طلب ایدرک
 مؤتمره مداخله ایده بیلجکدی . تالیران دیوردی که بز مؤتمرده فرانسه نک
 اسکی حدودلریله قناعت ایده جکنی ، هر درلو فکر قنوحاندن فراغت
 ایله دیکنی سنبلیه رک ، ضعیفایه بر مرکز استنادگاه تشکیل ایدرک وقع

و خیتزه لایق بر موقع احراز ایده بیله جکز . بو اویله بر مسلك سیاسی که
 الک بویوک رجال دولت بونی فرانسه دیپلوماسینک حقیقی برعنه سی کی
 تاقی ایدیورلر . بومسلکی فرانسه اون بشچی لوتی زمانده ، جمهوریتده ،
 ایمپراطورلده ترك ایتمکله ائی بر حرکتده بولونماشدی . کندسی
 ایچین قووات عظیمه دن واز کچمک - چونکه بونوع قووات بویوک نقیسات
 اولماق سزین یا بیلاماز - صاحب شوکت دولتری پک زیاده بویومکن منع
 ایتمک ؛ حکومات سفیره نی بویوک رک آمال حریصانه سنقارش مدافعه ایله مک ؛
 دولترک آراسنده تأمین صلح و مسالته چالیشقله برابر فرانسه یه ر موقع
 ممتاز و مستثنای بخش ایده جک بر موازنه قواید ده دایما محافظه یه چالیشق .
 ایسته دردیجی آرنیک ، مازارینک . ریشلیونک پوتبقلری . تانیران
 و قیله بویولتیقه نی ۱۷۹۲ ده تولد ایدن جمهوریته توصیه ایتمشدی .
 ایسته شیدی اون سکزنجی لوتی عینی فکرده ایدی . و بو ایکی آرمک
 اتحادیه ۱۸۱۴ ایلول تعلیماتنامه سی میدانه جیقدی :

« فرانسه اویله بر موقعده بولونیور که منفعتی اقنوم عدالت ایله مقیدده
 فرانسه منافع ذاتیه نی نفی عام اولان عدالتک خارجنده تحری ایتیور ،
 حقوق عمومیه نک تأمین عدالت ایچین باشلی ایکی قاعده سی وارد ؛ حکمدار
 مشروع اراضی مفتوحه نی رضاسیله ترك ایتمزه فتح بالذات حاکمیت بخش
 ایتمز . دولتر ایچین قبول و تصدیق ایتمکجه یکی هیچ ر عنوان حاکمیت
 اولماز . بناء علیه ساقسونیا قرالی ده مؤتمره بر مخص اعزام ایده رک
 حقنی ایسته مک مجبوردر ؛ مورا ایسه نه انکلتزه ، نه فرانسه و روسیا
 جانبندن ظانمش اولدیغندن ناپولی قرالی صفیله مؤتمره اشتراک ایده من
 دیگر طرفدن نه عدالت و حقوق عمومیه نک ایجاباتنددر که دولتر ارزولری
 خلافنده بر هیئات مجتمع حاله صه قولاماز . بر جهته پارس معاهده سیله

استقلاللری طانیلان آلمانیا دولتمری مؤتمركه «مذاكراتنه و بالخاصه هیئات
مجمعه تشكیلی مسأله سنه متعلق خصوصاته مداخله ایتمه لیدرلر . بواهیجات
حقیقه فرانسه نك منفعتی ده مربوطدر . چونكه دول صغيره نك منافعی
كندی منفعتی در . بوزوالیلر ایتالیا و آلمانیاده استقلاللری استرداد ایله
محافظه ایتك ارزوسنددرلر . فرانسه ایسه اولنره بذل معاونته مجبوردر
آوستریا بعدن آلمانیا اوزرنده حائز اهمیت اولمایوب آمال حریصانه سی
ایتالیایه متوجهدر . آوستریا نك آلمانیاده کی موقعی یروسیایه آلیانه تمایلدر
شرطه ایتالیاده آوستریا نك منع تحکمی ایچون نفوذی كندینه ضد مؤثرات آلتنده
بولندیرمالی ، روسیا آژانلری ایسه شیمیدن فرانسه استیلاسی اندیشه سبله آلمانیایی
تحریرك ایدرك بروسیا نك لوائی اتحادی آلتنده بوتون آلمانلر كطوبلا مسنه خدمت
ایدیورلر . ایشته بوتون بو مطامع ایدن شونتاچ تولد ایدیور : ساقسونیا
قرالیتی یكیدن تأسیس ایله مك ؛ «بوربون قوالنی ناپولی به كوندركمك ؛
له غاسیونلری پالاق مقامته اعاده ایتك ؛ ساردینیایی آوستریایه قارشی
تأمین . آوستریا و روسیایی حل سابقارینه ارجاع وفلمنکی تركندن دولایی
یالكز ونديكك اراضی قديمه سبله برتعویض سیاسی . بو اثر حقانیتی
لهستان قديمه تشكیل ایتك ایجاب ایدرسده بو صورت تسویه بی نه
روسیا نه ده بروسیا و آوستریا قبول ایدر . «دولت عثمانیه را وروبادولتی
اولوب تمامیت ملكیه سنه تأمین ایتك فائده لیدر . بو حرکتی ایله فرانسه
امتيازات قديمه سنی ، تجارتی ، قایتولا سیونلری ، شرق قانولیکلرینك
حمایه سنی ده محافظه ایتش اوله حق در . ایشته بومسلك سایه سنده اومیرده
كسب اهمیت ونفوذ ایده جك در . فرانسه نك موقعی غایت متین ایدی :
دول متفقنك اویوك برطنطه ایله اعلان ایتدكری اقایم و حقوق ایله
اولنره مدافعه ومقابله ایدیوردی .

روسیا ، پروسیا ، آوستریا حکمداران و دیپلماتلری بی شبهه یالکز
بر فکر بسلیورلردی . ناپولیونی مغلوب ایستکدن صوکره اونی افعال
واجرا آتنده تقلید ایتمک . ناپولیون کی اونلرده کندیلرندن باشقه بر
شخصه حساب ویرمکه مجبور دکلز ظن ایدیورلردی . فقط انکلتره
متفقلرینی بو نقطهیه قدر تعقیب ایده مزیدی . او طرز حرکتی علناً
حق کوسترمکه مجبور دی . انکلتره مرخصی قاستلریغده شبهه سز شخصاً
رفقاسی کی اقایمه ، حقوق عمومیه لاقید ایدی . فقط انکلتره پارلمتوسی
دکلدی . لوندرده بر کرسی خطابت ، بر مطبوعات واردی که مؤتمرده
موضوع بحث اولان شیرا اوزرینه تعاطی افکار ایدیور و تنقید اتنده بولیور دی .
ایشته بونقطه دن تالیران انکلتره نی الله ایده جک در . او بالخاصه انگلیز
افکار عمومیه سنی کندی طرفه جلب ایتمک ایچین نوظلرینی غزه لرله
نشر ایتدیریور دی . واقعا تالیرانک حیات سیاسیه سی هزار شکلدی .
اوتون آپسقبوسلغندن ویا نه مؤتمرینه قدر دانتونک قابینه سندن ، ناپولیونک
ناظر لغندن ، برلیندن ، نیاسیندن ، ارفورتدن کچرک بیک درلو استحالہ
عجیبه او غرامشدی . بناء علیه موقعی مشکل و اوینایه جنی رولده پک
مخاطره لی ایدی . تالیرانه مدافعه ایستدیکی اقایم بر لوحه تضاد ترسیم ایدیور دی .
بونک ایچین رفقاسی تالیرانه قارشى مساهله کار و مسامحه پرور داورا عمق
ایجاب ایدردی . لکن یشیل اورتولو ماصه نك اطرافنده طوپلانا نلرک
هپسی بویکی او یونده یکی بر سیمایله کورونمکه مجبور ایدیلر . هیچ برینک
ناصیه سی پاک و درخشان دکلدی . هپسی معلول الوجدان ایدی . هپسی
ماضیلرندن ، افکار شخصیه لرندن ، اجر آلرندن باشقه اقایمی مدافعه
مأمور ایدیلشلردی . بوباشقه شی اون سکرنجی لوتی نك اعاده سلطنتده
استعمال ایستکلری اقنوم ایدی که تالیران شیمدی بونک نامنه اداره لسان

ايدپوردى . تالپراني مەسلىھەتلىككە اھام ايدەتتىك ايچون مەسلىك صاحىي اولمايدى . تالپران جەھوريت و ايمپراطورلۇك تېجائوزاتىنە خىدمەت ايتىشە دىكرلرىدە بىرىنى مەتەاق بولتېجائوزاتە اشتراك ايتىشلاردى . پروسىا ، بال برلين وراقىسىونىدە ؛ آوستريا قامپوفورمبو ولوئە ويلدە ؛ روسيا نىلسيت وافرورتدە كىندىلرئىنە اوزادىلان مەقاولەيىنى پروا تىخىم ايلە مەشلردى . آزالرئىدە يالگىز انكلىترە صدائى اعتراضى يوكىسلەتە بىلىردى ؛ لىكن اودە تەلىمات اولەرق سىكوت ايتىك ايچىن امر آلىشىدى . بىنەئەلىيە دېسى مەنۇئى خىمىلرئىنى پردە رىا اورنىككە اتفاق ايتىدىلر ...

اون سىكزئىچى لۇئى طرفىدىن قبول ايدىلان بولتېقەنىك ائك حاد نەقشەسى روسيا وپروسيا دولتلىرىنىك پروغراممىدىن بوس بوتون باشقە بىر شەككە اولماسىدى . حال بوكە روسيا وپروسيانىك مەنافىي مەتھد و حەكمدارلرى ايسە صوك درجە صەمىئى ، مەتىن و مەشفق روابط تودد ايلەينكىدىكرىنە مەربوط ايدى . لۇئى روسيانىك تەشەببۇئات انساىيەسىنە ، الكساندرىك بولتېقەسىنە ، كىندى حەقنەدى مەاملەسىنە قارشى بىك مەضطار بىدى چارە قارشى عرض عبوديت ايچىن ھىچ بىر ارزو حەس ايتىموردى . سىكز عصرلىق خاندانىلە مەزور وھىچ كىسەيە آلدانماقەلە مەتخردى . ونهايت قرالىتى فرانسەدە يىكىدن تأسىس ، مەلىك قواسنى تەجىدىد ايچىن جەدا طرفدار صلح و مەسالىت اولدىنى كېي مەسلىك سىياسىسى و تەمبايلات ذاتىيەسىدە كىندىسى انكلىترە ايلە اتفاقە سوق ايدىوردى . وبوشانەدە ھىر ايكى دولتەك مەنافىي بىردى . استەقبالە كىنجە قرال اوندىن اندىشە ناك دىكلىدى . بىلىوردى كە فرانسە كسب قوت ايدىنجە روسيا كىندىسىنە محتاج اولەحق وائحاد و اتفاق بالضرورە وقوعە كلەجىك در .

مؤتمرك مەبارىسى . — حەكمداران ويانەيە كلزىدن مەقدم دول اربە مەرخصلرى مؤتمرك مەساعىسىنە دائىر بىر پروغرام يامىق ايچىن ايلولك ايلك .

گوناگونی اجتماع ایله تعلق افکار و احساسات تحت قراره ایشلردی ...
 پروگرام هومبولد طرفندن قلمه آلدی . ایتالیا ، لهستان ، آلمانیا
 ایشلرینی صرف کندی آرالرنده حل ایتدیکی دوشوندیلر .
 فقط فرداسنده آرالرنده حصول اتفاق نه قدر مشکل اولدیغنی آکلادیلر :
 اولاً وارشووا دوقهلفنک تقسیمدن باشلامشلردی . هاردنبرغ اقدیمی
 نامه بودوقهلفندن برخصه طلب ایتدی : نسلرود ایسه چارک بوتون
 دوقهلفنی ایستدیکی سوبله دی . مترنخه کلیمه اوده باتمه برصورتله اعتراض
 ایتدی : قراقووی و ذاموئیک و یانه به پک یاقین اولدقلرندن روسلرک
 او حوالیه یرلشمه سینه آوستریا تحمل ایدمه جه چک ایدی . اسپانیا ،
 پورتگیز و بالخاصه فرانسه نیک بوموضوعه متعلق جلساته قبول ایدیلوب
 ایدلمه مه سی حقنده مختلف قرارلر اتخاذ ایدلدی . انکلتزه مرخصی
 قبول ایتک طرفداریدی . نهایت لهستان ، آلمانیا ، ایتالیا امورینه دائر
 دول اربه آرالرنده اجرای مذاکرات ایله اتفاق ایتدکلی تقدیرده
 تنابجی اسپانیا و فرانسه مرخصلرینه تبلیغ اولونه رق اولوب ایدمه کی مطالعه لری
 آلمانیه دائر بریزوتوقول تنظیم ایدلدی . حاصلی ۴۳ ایلوله فرانسز
 دلکلی و یانه به مواصلت ایتدکلی زمان حال و موقع بوضوئده ایدی .
 و یانه بر قائله " مذهب و مرصعه ایله دولوب طاشبور دی . ۱۷۸۹
 تاریخندنبری متجاوز و یا متجاوز علیه بوتون حکومتلر یا اعاده حقوق ایتدیلرینی
 و یا موجودیتلرینک تصدیقی طلب ایدیورلردی . مالطه شووالیه لرینه
 و ارجیه قدر بوتون اسکی آلمانیا دلکلی ، آزانلر کوندلمشدی . ایشه
 بوسورتله و یانه ده ۲۱۶ دیپلومات اجتماع ایتدی . دیپلوتلری متعاقب
 حکمدارلرده کلدیلر . و یانه سرای حکمدارینی ساقسونیا قرالی ،
 ماری - لوئیز و ناپولیوندن ماعدا بوتون ارفورت تیاتروسی تماشا کرانی

و درسد شاتوسی مسافر لرینی طوبیلا مشدی . شنکر ، مر قصه لر ، اکلجه لر
 هیچ توقف ایتمه مک اوزره باشلادی . بواو غورده قرق میلیون کیتشد .
 فرانسه مرخصی اول اسیده مدتهش بر حال انفراد و بیکیسیده قالدیلر .
 فقط تالیران بوکا منتظر دی . ایلاک تصادفارده ایغی قایوب دوشی مک
 ایچین بوتون وقار و مهارته محتاح دی . پلانده موفق اولایله سی بونوع
 ملاقات و راسمه لرده ابراز ایده جکی لیاقت و وابسته ایدی . لکن هر کس
 شخصنه قارشی بر حسن عمیق نفرتله متحسسی . بوتون ابواب حقیقی
 مسدود بولندی . بوتون اکلجه لره ، شنکره قارشی بیکانه قالیوردی ،
 حتی اولتنه بیه همان هیچ کیسه کلیوردی . فقط بوحال چوق مدت دوام
 ایتمه دی . فکر تعقیب خصالتی ، ذکاکی ، مدافعه ایتمیکی اقایم ، تراکت
 و حسن معامله سی حاصلی غزم موانع بر اندازی مرشیته غلبه ایتدی . بوچوکلری
 مغرور ، کوچوکلری ایسه موسوس بولدی . بوچوکلر فرانسه یه بک زیاده
 و لزومندن فضله ایولک استدکاری تکرار ایدیورلریدی . تالیران بونلردن
 هیچ برشی بکلنیه جکی بک انی تقدیر ایده رک همان کوچوکلره توجه ایتدی .
 اولاً فرانسه نکه حسن نیته قارشی اونلری تأمین وهر یرده اعلان ایله دیکی
 بیطرفلی ، بیغرضلی سایه سنده کننینه بر چوق ساده دل جلب ایتدی . انی حساس
 و نازک نقطه دل اربعه مک بوتون جهانه قارشی بر سکوت عمیق محافظه
 ایده رک هرشی بیملرنده قرارلشد بر مق ارزوسی اولدیفی آکلادی و بوندن
 ادر حال استفاده ایتدی . فرانسه بی ناخوشنودان ایچین بر مرجع نظام
 و شکایت ، بر مرکز استناد یایقی فکر نده ایدی . هر که فرانسه مک دوله
 منظمه بیننده محق بر تقسیم قوادن باشقه هیچ ، قطعاً هیچ برشی ایسته مدیکنی
 اعلان ایدیوردی . دیگر طرفدن جریان ایدن وقایع دن ده خبردار
 اولمایه باشلامشدی . کندی کبی مصالح مهمه مک مرکز مذاکره سی خارجه

آیالان و لکن هریره کیروب چیقان اسپانیا و ساردنیا مرخصلری
فرانسه عاینه چوریان فیرلداقلری سوبیلورلردی ... نهایت انکلتزه
مرخصنک رفقا سنه قارنی وضعیتی ده اوکرندی . بناء علیه برکون
فوت ایتمکسزین ۲۸ ایلول تعلیماتنک نشره اک مساعد برحقفه سندن پک
کوزل بر نوطه تنظیم ایتدی . بونده مستقل برلهستان وجوده کتیرمک
نادرجه محق ایسه برلهستان روسی میدان چیقارمق ده او قدر مهلاک
برشی اولدیفنی اثبات ایدیوردی . پروسیا مرخصلرینک ویستول خطی
اوزرنده کی مدعیانندن ممنون اولیان آلکساندر نالیرانک نوطه سنی نشر
ایتدیکی کون فرهدریق کییوم ایله ملاقات ایتدی . ایشته بو ملاقاتنک
نتیجه سیدرکه هاردنبرخ ، نسلرود ، هومبولد و اشتاین ساقسونیا قرالیتنک
— نامی محافظه ایدلمک شرطیله — کاملاً پروسیایه و لهستان قرالیتی اسمی
آلتنده وارشوروا دوقه لغتله ده روسیایه اعطاسنه دأر بر پرتو قول یابهرق
امضال دیلر . سباقسونیا روس عسکری طرفندن تخلیه اولنه رق اداره
دولت پروسیا قرالنه رسماً تسلیم اولونا جنی زمانه قدر بو پرتو قول کیزلی
طوتوله جق ایدی .

مترنخ مؤتمرك طرز حرکتته و فرانسه نك ایفا ایدجکی وظیفه یه دأر
تعاطی افکار ایتمک ایچین آوستریا ، اسپانیا ، فرانسه ، انکلتزه ، روسیا
پروسیا مرخصلرینی ۳۰ ایلولده قوناغنه دعوت ایتدی . مترنخ بوراده
نالیرانه ۲۲ ایلول پرتو قولنی ویردی . نالیران اعتدال دمنی محافظه
ایده رک باشدن اشاغی او قودقدن صوکره بر قاچ کره تکرر ایدن دول
متفقه کله سنه ایلشیدی : « متفقلر ، دیدی کیجه قارشی ؟ بوشه سز
نابولیون ایچین دکل ، چونکه او الیه آطه سنده در . فرانسه قرالنه قارشی ده
مستعمل دکل ظن ایدهرم . چونکه اوده بو صلح و مسالمتنک محافظه سنی

ضامن . افدیله آجیق قونوشالم . اکر هنوز دول متفقہ وارسه بن بوراده فضلهیم . « کلمه اهمیت ویرمدکری سوبله دیلر . بویلاک مصادمه مخاطبیرینی برپارچه متأثرایتدیکنی کوره رک جسارتلندی . وعلاوه ایدره رک : « ... اتمالکه بومؤتمردمه مقاصد خودکامانه دن انتزاع ایتمش اولان یالکیز بنم . فرانسه ایچین ایسته دیکم شی اونک حق موقریتنه رعایتدن عبارتدر . فرانسه منابعی ، وسعتی ، نفوسی ایله درجه کافیده قوتلیدر . سزه تکرار ایدپورم ؛ بن هیچ برشی ایسته میورم ، بالعکس پک چوق شیلر کتیر میورم . اون سکرینجی لوئی نیک مرخصی بوتون انتظام اجتماعینک استناد ایتدیکی اقامتی بوراده علناً تقدیس ایدر . اوروپانک ایلاک احتیاجی یالکیز فتح ایله اکتساب حقوق ایدیه جکی فکری صورت قطعیه رداید رک مشروعت اقنوم مقدسنی یاشاتمقدر ... » سوکره پارس معاهده سی موجبجه محاربه ده علاقه دار اولان بوتون دولتلر مرخصلرینک اشتراک ایدیه جکی مؤتمرک عمومی قونفرانسلی نه زمان کشاد ایدیه جکنی سئوال ایتدی . اکر بومعاهده یه وضع امضا آیله یلر وظیفه ریاستی درعهده ایدیه جکلر سه هیچ اولمازسه دیکرلوینک ده صفت وکالتی حاز اولمالری ایجاب ایدرکه بوده انجق برمؤتمرده ویریه یلیر . او یله تدابیر واردرکه غیر مسؤل نظار کمال سهولتله قبول ایدیه یلیرلر سه ده قاستلریغ ایله کنیدیسی باشقه بر موقعه اولدیغنی ده علاوه درمیان آیله دی . بونک اوزرینه قاستلریغ تالیرانک مطالعاتی کنیدی فکرینه ده کلیدیکنی اعتراف ایتدی . بوسوزلری برمحاوره عمومی تعقیب ایتدی . بواشناده مرخصلردن بری ناپولی قرالنک اسمی سوبله دی . اسپانیا مرخصی مورانک علیهنده اداره لسان ایتکله تالیران ارتق راحتده اولدیغنی حس ایله شوجله یی صرفه جسارتیاب اولدی :

« هانکی ناپولی قراللفندن بحث ایدیلور : اسمی موضوع بحث اولان ذاتی

بز طانیورز . « بوسوالی درین برسکوت تعقیب ایتدی . حتی مورا ایله بر معاهده بیان مترنج بیله محافظه سکوته مجبور اولدی . چونکه یایدینی معاهده یی افشا ایدمه میه جک ایتدی . دیگر طرفدن نه روسیا ونه ده انکلتزه مورانی طانیایه راضی اولما مشلردی . مؤتمر کانی دیورکه : تالیرانک ایلك مداخله سی بوتون پلانلریمزی قاریشیدردی . - بومداخله تالیران ایچین بر مقدمه مظفریت بزم ایچین ده ایلك خطوه رجوعدر .

تالیرانه و آلکساندر . - تالیران ارتق بوتون قوتفرانسله حق دخوله نائل اولمشدی . و بانه اوینانه جق مهم رولی واردی . و بو کوندن اعتباراً قارائنده قانقدی . ارتق هرکس کندیسيله کوروشتمک ایسته یوردی .

۱ تشرین اولده قازاندینی موفقیتدن بالاستفاده همان برنوطه تنظیم ایله رفقاسی اسپانیا ، روسیا ، پروسیا ، اوستریا ، انکلتزه مرخصلرینه کوندردی . بونده مؤتمری ترتیب و تهیه حتی پارس معاهده سینه واضع الامضاد و نلرک صلاحیتی اولدینی بیان و مؤتمر مرخصلری مأذونیتنامه لرینی و سائر معاملات ابتدایه یی اکیالدن صوکره انجمنلره ایدیه بیله جکی فکری مدافعه ایتدی . عنی کونده ایکجی آلکساندرک کندیسنه ویردیکی شرف مثوله شتاب ایله دی . اونی اولکی کونکی مداخله سندن دولایی بک حدتلی بولدی . تالیرانه چار آره سنده نه قدر انفعال آلود ماحرالر ، خاطرات گذشته ، اسرار مشترکه واردی . آدفورته نابولیونک علهنده برلکده چالیشمشله . یکی افندیسی اون سکرنجی لوتی نک اعاده سلطنتی ایچین ینه برلکده حرکت ایتشلردی . حاصلی او قدر مختلف ایشلرده اشتراک لری واردی که تالیرانک چارک حضورینه برسکنت مطلقه اعصاب ایله کیرمه سینه مساعددی . فقط چار ایله تالیران یکدیگرینی صانکه لوتی نک اعاده سلطنتنده ، اوروپا حقوق عمومیه سی اعاده سی مقدماننده طانیملر کی کوروشدکرندن

بینلرنده شویله غریب بر محاوره جریان ایتدی : « ایشلریمزدن بحث ایدم، دیدی ایمپراطور . بوراجه اونلری بیتیرمه من لازمدر . بو حشمتا بکزرک آرزوسنه معلق . اکر حشمتا بکزرده فرانسه کی عینی اصالت و محابت روح ایله حرکت ایتک ایسترسه کز بوتون امور مهمه در حال و مختیارانه بر صورتده نتیجه پذیر اوله جق در . لکن بومصالحک صورت تسویه سنده هر کسک «قونوه نانسلی» بولماسی لازمدر . یعنی هر کس حقوقی بن استیلا ایتدیکم لرلی محافظه ایدم حکم . حشمتا بکزر صورت مشروعه ده کندیسنه عائد اولیان اراضی بی محافظه ایدم جکلیرخی امید ایتم . بن دول معظمه ایله متفقم . عیجا حشمتا بکزر فرانسه بی بودولنلر میاننده طوقیورمی . ؟ اوت ، شبهه سز ، فقط سز هر کسک قونوه نانسنه رعایت ایتک ایست میورسکزر . حشمتا بکزر بن اولا حقوقی صوکره قونوه نانسلی نظر دقه آلیورم . اوروپانک قونوه نانسلی حقوقدر . بولسان ، حشمتا بکزر سزک دکلدر ؛ اوسزده یا ناجیدر . قنکزر اونی رد ایدیور . خبر ، تکرار ایدیورم ، اوروپانک قونوه نانسلی حقوقدر . « بونک اوزرینه تالیران کویا فرط تأثرندن باشی دیوارلره اورارق بر آهنگ اینندار ایله : « اوروپا ، اوروپا بدیخت آوروپا ! » دیه فریاده باشلادی . الکساندر ایسه قوللرخی صالایه رقی باغیردی : « استیلا ایتدیکم لرلردن وازچکمکدن ایسه حرب ایتک بجه اولدر . » صوکره دفعه ساعتیه باقرق : « او تیار و زمانی کلش . » دیه رک چیقوب کیتدی . چارجد آحد تلغشدی . فقط تالیران ده ، مدشس هجو ملری صاومش بر آدم اولدیفندن لزومندن بشقه دوچار هیجان اولمادی . اون سکزنجی لوئی به یازدینی مکتوبده موقعک مشکلاتندن و بونک ده زیاده کسب وخامت ایدم بیله جکندن بحث ایتدی .

۳ تشرین اولده مترنیک قوناغنده وقوع بولان جلسه ده تالیراندن

نوطه سنی کری آلماسی طلب ایدلمشسه ده تالیران ردایتدی . مترنج بونوع
 امورک دوغریدن دوغروبیه دول متفقیه حائدتیی یکیدن ادعا ایتدی . بونک
 اوزرینه تالیران بعدما قونفرانسله اشتراک ایتیه جکنی ومؤتمر اعضاسی اولمق
 مناسبتیه انجیق مؤتمرك اچیلماسنه انتظار ایده جکنی سویله دی . هیأت تالیرانی
 خارجده برافقندن ایسه اچیلرند آلیقویمق اهون شر اولدیغنه قرار
 ویردی . فقط تالیران کیتکجه تحکم آلود بروضیت آلیوردی . مؤتمرك راسمه
 افتتاحنه دائر ایکنجی بر نوطه یازدی . قاستلریغ ایله کوروشه رک انکلیز
 مرخصنک شکل خصوصنده کاملاً اساسده ده قسماً کندیسنه حق ویردیکنی
 اوکرندی . دیگر طرفدن مترنجده صورت محرمانه ده تالیرانه مورا
 مسأله سندن دولای کوروشوب فکرینی آکلامق املنده ایدی . فی الحقیقه ده
 کوروشدیلر . روسیا و پروسیانک بویومه سی ایشنه کله دیکندن نتیجه
 ملاقاتده مترنج تالیرانه بوباده کندیسيله همفکر اولدیغنی اعتراف ایتدی .
 برقچ کون صوکره یاییلان جلسه ده (مؤتمرك حقوق عمومیه اقامینه توفیقاً
 اجرای مذاکرات ایلیه جکی) جمله سی بر واولای طوفان شکایاتی موجب
 اولدی . بوقیددن پروسیالیر فنا حالده حدتلمشلدی . پک صاغیر اولان
 هاردنبرغ قیام ایتدی . الی ماصه نک اوزرینه اورارق کسیک جمله لرله :
 « خیر افندی ... حقوق عمومیه ... بو بهوده ... تصریح ایدلمسه ده
 تطبیق ایدیله جک ... » شو حالده اونی علناً سویله مک هر حالده ده ائی
 دییه تالیران جواب ویردی . هو مبولده . باغیر یوردی : « حقوق
 عمومیه نک بوراده نه ایشی وار ؟ » ایکی ساعت مناقشه دن صوکره
 پروسیالیر تالیرانک تکلیفی قبول ایتدیلر .

تالیران نافذ و حقایقین نکاه تدقیقی سایه سنده متفقلرک ضعیف نقطه سنی
 بولمشدی . مع مافیه مدافعه ایتدیکی اقام ایله حیات سیاسیه سی آراسنده

اويله اوچوروملر واردى كه صميتنه ايناندرمق ايچين بك چوق مشكلاته هدف اولويوردى . تاليران ، حقوقدن ، بيطر فلقدن بحث ايتسين !... مترنخ ايله قاسترنيغ بينلرنده بالخاصه لهستان وساقسونيا مسالهنى تدقيق ايدييورلردى . ديكر طرفندن ده روسياليلىر پوزه نى روسيايه قاپديرمامق ايچين اوسترياليلرله انكلزلر نژندنه تشبثات خفيه ده بولونيورلردى . قاسترنيغ ده وارشوا دوقه لنى حقنده چاره برنوطه كوندردى . ارتق چارك صبرى توكنيوردي . روسيا قرالنه ۲۸ مقاله خفيه سنى قوه عسكريه ايله اجرا ايتكى سويله دي . صوكره تاليراني طرفنه جلب ايچين نژدينه دعوت ايتدى : « - پارسده سز بر لهستان قرالتي فكنرنده ايديكيز ؛ ناصل اولدى ده شيدى تبديل فكنر ايتديكيز ؟ - حشمتاب ، فكرم يته اويله در ؛ پارسده بوتون لهستانك تائيس و احياسندن بحث اولونيوردى . شيدىكي كبي اوزمانده لهستانك استقلالنى مدافعه ايتدم . لكن كوربيورم كه بوراده كيفيت بوس بتون باشقه بر شكله كيرمش . مساله اوستريا و روسياني تامين ايدم جك بر تعيين حدوده هر بوطدر . - اونلر دأما بهوده يره انديشه ايتمه مليدرلر ؛ هم بنم بوكون وارشوا دوقه لفنده ۳۰۰۰۰ عسكروار ؛ آلرندن كليرسه اورادن بنى چيقارسينلر ! ساقسونيايى ده روسيايه و بر دم ؛ اوستريا بوكا موافقت ايدييور . - اوستريا موافقت ايتديكنى تيلپوزم ؛ وبوكا اينانمق ده بنم ايچين بك مشكل . چونكه منفعتنه او قدر مغاير . - هم آو-تريانك رضامى ساقسونيا قراليتنه عائد اولان . بربرى روسيايه ويره بيلرمى ؟ - اكر قرال ارزوسيله ترك سلطنت ايتمزه روسيايه كوندريله جك و اوراده اوله جك در . نيته كيم باشقه بر قرال ده اوجله عيى صورتله اوراده اولمشدى . بن ظن ايدييوردم كه فرانسه بكا بعض شيلر مديوندر . دأما اقانيدن بحث

ایدیورسکز . حقوق عمومی کز غنمدنه برانظ موهوم و مستهزادن
 عبارتدر . حتی بن اونك نه اولدیغی ده بلبورم . پروسیا ساقسونیا بن ده
 لهستان قرالی اوله جغم . فرانسه نك بكا بوابکی نقطه اوزرینه یاباجنی
 معامله خاطر نوازانه سی درجه سنده بن ده اونی علاقه دار ایدن مسأله ده
 وعد معاونت ایلهرم . بوضوك جلله ناپولی قرالیتنه عاؤدی . تالیران خیالی
 بر وعد مغفله مقابل پك ماهرانه منتخب موقعنی ترك ایدرك طوزاغه
 دوشه جك آدم دكلدی . فقط بو مكمله نتیجه سنده روسیا ایله یروسیای
 بر بندن آیرمانك ممكن اولمادیغی ده آكلادی . نیته کیم قاستلریغ و مترنخ ده
 بونی تجربه ایتدیلر . خصوصی قونفرانس لر ، نوملرلر قلمادی ایدوب
 کیدیوردی . سرآس جریان خاللدن اندیشه نك ، هرکس مؤتمرك کشادینی
 ارزو کشدی . نهایت مؤتمرك راسته مطمنه کشادی اجرا ایدیلر لک انجمنلر
 تشکیل ایدیلر یلدی . و تام برانسانده تالیران پارسدن یکی تعلیمات آلدی .
 بونده آوستریا و باویره را ایله متفقاً حرکت ایتیمسی لدی الايجاب قاستلرینه ده
 آچیداسنی و حین حاجتده لهستان و ساقسونیا حقنده روسیا و پروسیانك
 آمال معلومه سنه مقاومت ایچین فرانسه نك قوه عسکرینه سنه استناد
 ایدیه بیله جککریخی ده سوبله میسسی محرودی . تالیران آرتقینه تجاوزی
 حرکت باشلاهرق آلمانیا و انکلتره افکار عمومی سنی تهیج ایچین ساقسونیا
 حقنده برخطره نشر ایتدی . شیمی هریرده محاربه احتمالدن بحث
 ایدیلوردی . چار ساقسونیایی تخلیه ایتمکله ۱۰ تشرین ثانیده پروسیا
 جنراللری ساقسونیایه کیردیار . وقعه دن ویا نه هنوز خبردار دكلدی .
 چار تالیرانی دعوت ایدرك فرانسه نك بومسأله ده روسیایه لطفکار
 اولماسنی و ناپولی ایشنده کندیسی فرانسییه معاونت ایدیه جککی بر
 لسان تراکت و تراخته سوبله دی . چارده اواسکی لسان شدید آتشین ، غرور

وخشونت یوقدی. تالیران جوابنده بوا یکی مسأله آره سنده هیچ بر مناسبت
اولمادیغنی و فرانسه نك هیچ برشی یا یامیه جغنی سوبله دی. فقط پروسیا به ویردیکم
سوز. — حشمتاً بکنز، قرائك اوزرنده هر درلوفوذ واقتداری حأزدر به
باخصوص اونی نمونده ایده بیایرسکنز. — ناصل؟ — ایستاندن
بر بارچه اراضی دها ترك صورتیه. — بکا تکلیف ایستد بکنز چاره يك
غریب... تالیران آ کلاوردی که چار مسلك نامحقی ضوکنه قدر مدافعه
ایده میهرك اگر پروسیالیلری نمون ایده جك باشقه بر واسطه بولونورسه
بر محاربه عمومی قورقوسی مواجهه سنده قبول ایده جکدر. و بو ملاقاتی
متعاقب تالیران ساقسونیانك پروسیالیلر طرفدن آلندیغنی اوکرندی.
۱ کانون ثانی، ۱۸۱۵ ده قاستلریفك دولت متبوعه سندن آلدیغنی خبر
مسائلك صفحاتی صورت غریبه ده تبدیل ایستدی: انکلتزه ایله آمریقا
آره سنده عقد صلحه ایلمشدی. آرتق انکلتزه بوتون وساطتی ایستدیگی
کی استعمالده سربستدی. ۳ کانون ثانی افشامی آوستریا، انکلتزه، فرانسه
بیننده بر معاهده خفیه امضائیدی. اوچ دولت پارس معاهده سی احکامی
متفقاً یفرضا به اجرا ایستدیگی و وساطت مصلحانه ایله بکاموفق اوله مدقاری
تقدیرده ده بکیکیری مدافعه ایچین هربری یوز الی بیک عسکر ویرمکی
تعهد ایذورلردی. هانور، ساردینیا، هولاندا، باویئر انك ده بو
اتفاقه دعوت ایذملرینه قرار ویرلدی. بوتالیرانك مظفرتی ایذی. قراله
یازدی: «دول متفقه داغیلدی؛ فرانسه بو اوروپاده حال انفرادده دکلر.»
بو بولتیقه بی مورخ سورل تقدیر ایله ایکنجی ایمپراطور لقلده تعقیب
ایذلمه سندن دولانی تأسف ایذر. اتفاق مثلث در حال تأثیرینی اجرا
ایستدی. پروسیالیلر ازاندها اصرار ایستیلر سده قاستلریغ ۵ کانون ثانیده
هر درلو محاربه تهلکسی بر طرف اولدیغنی انکلتزه حکومتیه تبشیر ایستدی.

ساقسونیا و لرستانه امریکائی تنظیمی . — بعض فقرات و صورت
تطبیقیه دن ماعدا اساسات شباطده قرار گیر اولندی . سلطنتی اعاده ایدیلن
ساقسونیا قرالی وارشو و دوقه لغندن فراغت و قرالیتندن برقم اراضی بی
پروسیا به ترک ؛ آوستریا ۱۸۰۹ و ۱۸۱۰ سنه لرنده وارشو و غران
دوقه لغندن ترک ایدیلن شرقی غالیچاده کی تضالرینی تکرار استرداد ؛ پروسیا
پوزندن ماعدا ۱۸۰۷ ده وارشو و غران دوقه لغنی تأسیس ایچین و بریدیکی
یرلردن فراغت ؛ چارک تحت حاکمیتنده ممتاز برادرده دن مستفید برلستان
قرالیتی ؛ قراوقوی سربست و سیطرف برشهر تشکیل . بوتون بواستلاقات
روسیا — آوستریا ، روسیا — پروسیا ، ساقسونیا — پروسیا ، روسیا —
آوستریا — پروسیا دولتری آره سنده باشقه معااهده لر تنظیمی ایجاب
ایتدی . بطرز تسویه دن بالخاصه روسیه هیچ معین اولمادی .

قائمترینک رینه تعیین ایدیلن و ولایتتون ۳ شباطده و یانه به موصلت
ایتمشدی . فرانسه انکلتربه اسارت زنجیره مسأله سنده معاونت ایتمک شرطیه
مورانک رینه ناپولی قراالته فردیناندی تعیین خصوص سنده انکلتربه
استناد ایده بیله جکدی . لکن مترنخ اولجه مورایله عقد اتفاق ایتمکندن
فرانسزلرک ایٹالیایه دخولی اعلان حرب ایچین بروسیله تشکیل ایله جکنی
تالیانه صورت قطعیده بیان ایتدی . فقط بعض احوال فرانسه و آوستریا به
یاردم ایتدی . چونکه آوستریا اتفاقی موریه آغیر کلدیکندن آوستریا
ایله اتفاق بوزهرق بوتون ایٹالیایی آوستریا به قارش قیام ایتدیرمکی
دوشونیوردی . ناپولیونک البه اطهمنی ترک ایتمک اوزره اولدینقی اوکر نمکله
ایلریده ناپولیونک کندینسی ناپولیدن طرد ایتمهمنی شمیددن تأمین ایچین
اونکله مخابره به باشلادی . ایشه واوراق آله کچیرلمکله و ولایتتون و یانه
مؤتمرینه تقدیم ایتدی . بوضورتله خیاتی ثابت اولان موراراق محو اولمشدی .

ناپوليون قارشى تدابير .- مؤتمر مناظرات سياسيہ وکشاکن نظريات
 ايجنده ايکن ۵ مارتده ساردينيا قرالئک پوسته جيئسي برقرار فيرطنه سي ايجنده
 ناپوليونک البه اطه سنى ترک ايتديکي پيام سياهنى کتيردى . هرکى دهشت
 استيلا ايتدى ، بونى برفوران حدت تعقيب ايله دى . الکساندر ناپوليونى
 محوايجين صوک نفرينى ، صوک آقچه سنى فدايه حاضر اولديغنى سويلور
 وناپوليونو آله اطه سنى ویرلک نم قباحقدر ديوردى . ۱۳ مارتده پارس
 معاهده سنه واضع الامضا اولان سکر دولت ناپوليونى « مناسبات مدنيه
 واجتماعيه نك » خارجنه آنديلر . بووقتيله قوانوانسيون مجلسى ايله رومهرک
 « قانون خارجنه ! » فريادينه بکزيوردى . دول متفقه عيى زمان ده ده فرانسز
 قرالنه ، فرانسز ملتته وعد معاونت ايله ديلر . بو معاهده يه تاليران ده وضع
 امضا ايتمکله لوئى ناپوليونو قارشى آوروپانک متفقى يايوردى . ليکن
 ناپوليونک عودتى ، لوئى نك غانده فرارى تاليرانک قوردينى بنای مهيکلى
 تاساسندن يقدى . بوتون بوينا رستوراسيون ، قاعده مشروعت اوزرينه
 مستنددى . ناپوليونک عودتى اوروپايى دفعه قوت پولتيقه سنه آتمشدى .
 تاليرانک اساساً اوينادينى رولى غيرطبيعى ايدى . قوتى طبيعت اشيا وياجباب
 حال صنعتى ده اياجباب مصلحته توفيق احراآت ايتمکدن عبارتدى . ارتق
 يوزندن نقاب کند دوشيدى . غير قابل تحمل ، محقر ومنفور بر آدم
 اولدى . بوداره فاسده ده بهوده يه چربندى . اعلان حرب بوربونلرک
 عاده حکومتى ايجين ياپيلديغنى سويله رک فرانسه نك حدودلرى تغير
 ايدله سنه صوک درجه چاليشدى . لوئى نك کنديلر يله متفق اولديغنى
 آکلاتمق ايتيوردى . فقط لوئى مخلوع ، فرازى ، منفور ، اردوسز
 بربرنس ايدى . او ۱۷۹۵ سنه نك برمدعيسى ايدى . ۱۸۱۴ ده ناصل
 اولديسه ۱۸۱۵ ده ده دول متفقه فرانسه ده تاسيس ايدى جکلرى حکومت

حقنہ اتفاق ایدہ میورلر دی . هرری باشقہ برشی تکلیف ایدیوردی .
یالکتر انکلیرلر لوئی نك اعادہ سلطنتہ طرفدار ایدیلر .

موارنك اعدامی متعاقب سچایتن قرالیتك بوربونلرہ اعادہ سی برامر
واقع اولوب بونی سکز حكومت تصدیق ایستیلر « ماده : ۱۰۴ » بو
مسالہ نك حلی ایستایا ہ متعلق مسائل سارء نك حلی تسہیل ایتدی .
پارم قید حیات شرطلہ ناپولیونك زوجہ سی ماری لوئزہ ؛ طرہ سقا نا
آرشدوق فردیناند دوتریشہ ؛ مودہن آرشدوق فرانسوادیستہ ؛
راون ، بولونا ، فہرارلہ غاسیونلری یایا ؛ جنورہ ساردینا قرالیتہ ؛
لومباردیا ؛ قدیم ونڈیک جمہوریتی اراضی سی ، ترینہ ، دالماسیا ، الپلریادہ
آوستریا ہ ویرلدی .

آلمانیایشلری متعدد قونفرانسلر اشغال ایتدی . عینی حقوقہ
مالك اولوق اوزرہ ۳۴ حكومت و دہت سربست شہردن بر ہیأت مجتہعہ
تشکیل ایدلدی . فرانقفورت بلدہ سی بو ہیأت مجتہعہ نك مرکزی ایدی .
دیت مجلسندہ هر حكومتك جسامتنہ كورہ ۱ — ۶ قدر مرجعی
اولہ حق ایدی . امپراطورلنك ہیأت مجتہعہ منفعتہ یایدینی معاہدات
مستر طوتیلہ حق ایدی . دولتلر امپراطورلوق علیہنہ آیرجہ معاہدہ
عقد ایدہ میہ جكلردی . ہانوفر انكلترہ قرالریسنہ تابع اولوق اوزرہ بر
قرالیت شكندہ تشکیل ؛ لوكسمبورغ بوبوك دوقہ لانی دہ فلك قرانیتہ بر
اتحاد شخصی ایلہ ربط ایدلدی . بلجیقا و ہولاندادن مركب بی — با قرالیتی
اورانز — ناصورینسہ ویرلدی . والہ ، جنوہ و نوشال دہ داخل اولوق
اوزرہ اسویجرہ حر ، مستقل و سيطرف ۱۹ قانطروندن مركب بر قونفہ .
دہ راسبون تشکیل ایتدی . بالاخرہ مؤتمر حقوق دولہ متعلق سربستی
انہار ، سفرانك تعیین درجاتی ، اسارت زنجیہ مسائلی حقنہ دہہ بیاننامہ لر

تنظیم آید. بوتون بو مختلف معاهدہ لر ، بیاناتہ لر بریرہ طویلانیہ رق زیری ۹ حزیران، ۱۸۱۵ ده بارس معاهدہ سنی تصدیق ایدن سکرز دولت طرفدن امضا ایدلدی .

سائر شرقیہ . — ویانہ مؤتمرنہ مرخص کوندرلسی دولت عثمانیہ بہ آوستریا طرفدن اخطار ایدلمشدی . آوستریا تورکیہ نك تمامیت ملکیت سنی مؤتمره تأمین ایتدیرمک ایستیوردی . بوزمانلرده حکومت عثمانیہ نك اوروپاده دائمی سفیرلری اولمادیغندن اوروپا حوادثی بیلدیرمک مملکتین وویوانلرینک وظائف مخصوصه سندن ایدی . واقعا ۱۳۰۷ سنہ ہجریہ سنده اوچر سنہ مدتہ اوروپا بہ ایلیچلر اعزامہ قرار ویریلوب سنی لوندریہ آکاء افسدی کوندرلمشده بر قاعدہ اطراد اوزره موقع احرایہ قوانیلامدیغندن مملکتین وویوانلری بر معتاد اوروپا حوادثی باب عالیہ بیلدیرمک مأمور ایدیلر . افلاقی وویواناسی قرہ جہ نك حوادث بیلدیرمک وظیفہ سنی حس ایفا ضمتندہ شووالیہ دو کجی بازہ ایله و آوستریانک رخصتہ ویانہ ده مخبر انجاز ایتشدی . کنجک مکتوبلری مضامہ ایدیلیرسہ آکلاسیلیرکہ دولت عثمانیہ نك ویانہ مؤتمرنہ اشتراکی مترنخک افکار مخصوصه سندن ایدی . بو اخطار اوزرینہ باب عالی تردد ایتدی . مشارکتدن توحشہ باعث اسبابدن بری صرستان امتیازاتنک توسیجی قورقوسی ایدی .

چار و مشاورلری ده ویانہ معاهدہ سنہ عثمانلی امپراطورلقہ عابد بعض مواد علاوہ ایدلمسی ارزوسنی اظہار ایتدیلر . ۱۸۱۵ کاؤن نایسندہ روسیا حکومتی بر نوطہ ایله ترکارک خرسیتانلرہ قارشى وبالخاصہ صرپلرہ یاپدیغنی مظالم و تعدیاتدن دولایى دول متفقہ نك نظر دقتلرینی جلب ایدلرک تورکیہ ده کی اقوام خرسیتانیہ نك لزوم حمایت سندن بحت ایتدی . فرانسه نك

شرق قنولیکاری اوزرنده کی حق حمایه سی کی بر حقک ده اورتودوقسلرک حمایه سی ایچین کندیسنه ویرلسی لزونی سویلیوردی . چارتورسکی لهیلرک ، اشتان آلمانلرک ناصل آوقای ایسه چارک پک زیاده مظهر توجهی اولان قابودیستریاده یونانیلرک ، صربیلرک دعوانی مدافعه ایدیوردی . نهایت چار شرق خرسیتیانلرینک لهنده روسیانک حق مداخله سی تصدیق ایلمه سی تکلیف ایتدی ! بوقاینارجه معاهده سی ظلمت ایهامدن تخلص ایتک ، روسیانک شرقده کی فوقی اوروپا حقوق عمومیه سنک بر ماده سی یاهرق اوکا بوباید بروکالت قانونیه ویرمک دیمکدی . انکتره مرخصی بوتکلیفک قطعاً علمنده ایدی .

تالیرانده دولت متبوعه سندن عثمانلی ایمپراطورلغی اوروپانک ضمان وکھالی آلتنه قویدیرمق ایچین امر آلمشدی . مترنخده بوکفالتی اوستریا منافعی ایچین پک مهم بر نقطه اولهرق تلقی ایدیوردی . حاصلی مسأله شرقیه اوزرنده بر بحران تهالک منفعت حس اولونیوردی . وبو مسئله یی مؤتمرده علناً موقع مذاکره قویمق اختلافات قدیمه وموروته یی تریددن باشقه بر شیئه خدمت ایتیمه جگنی آکلادقلرندن واز کچدیلر بناء علیه بو یالکز بر تشبیدن، محاوره دن عبارت قالب حق بر پروتوقول بیله تنظیم ایلمه دی .

آوروپا ومؤتمر . — ویا نه مؤتمری شیمدی یه قدر یاییلان معاهداتک اکبویوک اولدینی کی تاریخ حقوق دولده ده بردور مهم تشکیل ایدر . بومعاهده ایله اوروپا اراضیسی تقسیم ایدیلرک هر کسک صورت تصرفی تعیین وتأمین ایدلشد . نقص عهد ایلیه جکککک حقوق عمومیه نک خارجه آنیلاجنی یولنده ایلک تجربه ومسالمت عمومیه نک ده مقاوله مشترک سیدر . فرانسزلر بومعظم تنظیم مصالحی بویوک بر قاعده ، قاعده مشروعییت

ایله یایمق ایستهدیلر ، فقط تطبیقآنده هرکس منافعی ، قونوه نالسی نسبتنده رعایت ابتدی .

معاهدات ، دول عاقده نك حین عقدده قوای مادیه و معنویه لری آراسنده کی موجود مناسبات و روابطنك برافاده سیدر . دول واقوامك احتیاجات و شرائطی ، معاهداتك اسباب و نتایجی بحق نظر دفته آلتحق اوزره بوقوا نه درجه دوغرو و وسعت فکریه تقدیر ایدیلیرسه معاهده لرده اولسبتده پایدار اولور . ویانه ده طوپلانا دیپلوماتلر تقسیم ایدیه چك اراضیده کی نفوسك مقدارینی ، اهالینك قیمت اقتصادی ، عسکریه ، زراعیه سنی تعیین ایتمشلیرسه اونلرک احوال روحیه سنه ، عنعنات تاریخیه یعنی قوای اخلاقیه هج اهمیت ویرمه مشلردی . ویانه بنای مهیکنك سبب انهدامی بودر . اراضی بی پارچه لیه رق توزیع ایدن دیپلوماتلر اواراضینك اوستنده یاشایان اقوام اره سنده کی مناسباتله هج اشتغال ایتمه مشلردی . اونلر اوروپای صانکده مختلف قوملر یوقش کی برطاقم دولتره تقسیم ایتدیلر . حال بوکده اقوام پولنیقه نك مقصد و عاملیدر . دولتر ارانه ایتدکاری اقوام ایله موجود و بر حیاتدرلر . فرانسه اختلال کیری قومیت فکرنی هریره نشر ایتمشدی . ویانه دیپلوماتلری بوفکری انتظام عمومی ایچین مضر اوله رق تلقی ایله ابدیاً محو ایتك ایسته مشلردی . اولاً فلنکده کلیسارینه ، عنعنات و حریات محلیه لینه پك صادق اولان بلجیقایلرک زمام مقدراتی پروتستان هولاندایلرک ید تحکمه ویرلدی که هر اینکسنکده اخلاق و عاداتی ، منافعی صولک درجه یکدیگریه مخالفدی . لهستانده ، اوتوزسنه اول کندیسنکده مستقل بردولت اولدیغنی بردرلو اونوتامیان عالچناب و قهرمان بر قوم مذهبلی ، نسللری ، منفعتلری باشقه اولان اجنبی افندیلرک انه تسلیم اولوندی . بومقاسمه ظالمه ایله بیچاره لهلیلر اداره .

تقدیم و جدیدہ نیک حقوق عمومیہ سی خلافتہ فدا ایدلدیلر . مؤتمر بوتون
ایتہ الیانلرکده آمالی اباک و مایوس ایدہ جک صورتده حرکت ایتدی .
اورادہده نونہال فکر ملت یاواش یاواش دال بوداق صالیورہرک
یکی برمایہ ۳۳ احضار ایدیوردی . آلمانیاہ ، استقلال وطن ایچین
سلاحہ صاریلان افوام عظمت و اقبال وطنی کچمش زمانلرہ عائدہ مخائف
تاریخیہده او قومایہ محکوم و مقدراتی اوروپانک منافعندہ تحری ایتکہ
مجبور ایدلمشدی . ایشته بوتونل استقبال ایچین اختلافک اشتدادینہ بنادم
بر مرکز اختلال ایدی . ونہایت مظفر اوروپا فرانسز قومنیده لزومی
قدر نظر اعتبارہ آلاماشدی . ایشته بوتونلر اسباب قاضیہدن دولایی
ویانہ مؤتمربنک اوروپادہ قوردینی بنای معظم ۱۸۳۰ تاریخندہ صاللانمایہ
باشلامش و ۱۸۴۸ ده قسماً یقیلہرق با لاخرہ اسکہلرلہ کال مشکلاتہ
قالدیراش و ۱۸۶۰ ، ۱۸۶۶ ، ۱۸۷۰ تاریخلرندہ مستقل و بیطرف بر بلچوقا
حکومتک احدائی ، برایتالیا قرالیتی و بر آلمان ایمپراطورلغنک تشکلی ایلہ
بیوس بوتون دوریلوب محو اولمشدر .

— استانبول : تموز ، ۱۳۲۵ —

احمد شعیب